



10 FEB. 2016

NAMMINERSORLUTIK OQARTUSSAT
GRØNLANDS SELVSTYRE
INATSIARTUT ALLATTOQARFIAT
BUREAU FOR INATSIARTUT
BOX 1060 - 3900 NUUK

Laura Táunâjik, Siumut
Inatsisartunut ilaasortaq

Tunumi qilalukkat qaqortat pillugit Naalakkersuisunut apeqqut nr. 13-imut akissuteqaat

29-01-2016
Suliap normua 2016-1480
Dok nr: 2005943

Inatsisartut suleriaasianni § 37, imm. 1 naapertorlugu apeqqutinik Naalakkersuisunut nassiussaqaarsimavutit, Tunumi qilalukkat qaqortat pillugit. Apeqqutitit uanga suliassaqaarfinnut akisassanngortinneqaarsimapput.

Apeqqutit Pinngortitaleriffimmut (PI) isummerfigisassanngorlugit nassiunneqarput, taakku akissutinut ilanngunneqarput.

Postboks 269
3900 Nuuk
Oqarasuaat (+299) 34 50 00
Fax: (+299) 34 63 55
E-mail: apnn@nanoq.gl
www.naalakkersuisut.gl

1-imut) Naalakkersuisut arlaatigut qulaajaallutik pilersitsisimappat, paasinialugit qilalukkat qaqortat Tunumiittut Svalbardimut atanersut, taamatullu amerlassusiat naammannersut, Tunumi qilalukkanik qaqortanik piniarnissamik akuersissuteqassagaanni?

2-mut) Taamaangippat: Naalakkersuisut qaqugukkut qulaajaallutik pilersitsiniarpat?

1+2- mut

Canada-miut Kalaallillu qilalukkat qaqortat qernertallu pillugit ataatsimoorussamik kommissionianni kingullerpaamik Nuummi oktober 2015-imi ataatsimiinneranni, kalaallit aallartitaasa ilisimatitsissutigat kissaatigigitsik Tunumi qilalukkat qaqortat takuneqartartut suminngaanneersuunerisa paasineqarnissaat.

Taaneqartup saniatigut siunertaraara Atlantikup Avannaani Miluumasut Imarmiu pillugit Kommissionip (NAMMCO) Ilisimatusarnikkut Komitê-anut siunnersorneqarnissaq qinnutiginiarlugu maani februar 2016-imi ataatsimiilerpata.

Oqaatigineqassaarli naak kissaatiginartorujussuugaluartoq paaseqqissaassallugu qilalukkat qaqortat takuneqartartut taakku qilalugaqassuseq sorlerminngaaneersuunersut, PI-miilli nalunaarutigineqarpoq tamanna Pinngortitaleriffimmiit misissuiffigissallugu pingaarnerutinneqanngitsaq.

Pinngortitaleriffik imatut akissuteqarsimavoq:

"Pinngortitaleriffiup aningaasanut inatsisikkoortumik aningaasassami atorneqarnissaanni pingaarnerutinneqarput uumasogatigiit uumasullu inuiaat kalaallinut pingaarnerpaasut. Tunumi qilalukkat qaqortat ikittuinnaapput qaqutigoortuullutillu taakkulu ilisimatusarfigisassallugit nalunaarsussallugillu pingaarnerutinngilavut."

APNN killilerujussuarmik ilisimasaqarpoq Tunumi qilalukkat qaqortat takuneqartartut qassiuneri pillugit. Soqutiginarsinnaagaluarpoq aalajangersimanerusumik ilisimasaqarfigilissallugit Tunumi qilalukkat qaqortat takuneqartartut qassiuneri qaqugukkullu takuneqartarnersut, kiisalu ukiup ingerlanerani sumi takuneqartarnersut. Tamakku siunissami misissuinissat siuarsarnissaannut atorneqarsinnaammata. Naalakkersuisut Naalakkersuisoqarfillu qaqortat takuneqartartut inissisimaneri ilisimasaqarfiginngilaat aamma pisarineqarnissaannut innersuussisoqarsinnaanani. Naalakkersuisulli pissutsit malinnaaffigeqqissaarpaat qaqortallu ingerlaarfiinik ilisimasat annertusiartornerat malitseqartissinnaallugu.

Inussiarnersumik Inuulluaqqusivunga

Karl Kristian Kruse